


Alkitab Buat Bocah
Nampilin

Petrus ama Kekuatan
Sembahyang



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Rasul Petrus ngadain perjalanan ke seluruh negri buat bilang

sama orang-orang laen

soal Yesus.



Satu ari, di kota nyeng namanya Lida, dia ketemu sama seorang nyeng ngeletak di tempat tidur, lumpuh, udah delapan taun. "Yesus Kristus udah bikin kamu bae," Petrus bilang. "Bangun dari tempat tidurmu." Orang itu langsung ngejengkot.



Orang-orang nyeng
pada ngeliat balik lagi
sama Tuhan.





Deket kota nyeng namanya
Yope orang-orang di sono lagi
pada besedih. Seorang
perempuan nyeng namanya
Dorkas mati. Sambil besedih
sohibnya nyiapin jasadnya buat
dikuburin, lantas ditaronya


jasadnya di
ruang atas dimana
mereka berduka.



An illustration of a sewing room. In the background, there are two wooden hangers with clothes hanging from them: a green dress on the left and a red and blue striped shirt on the right. In the foreground, there is a brown wooden table. On the table, there is a large orange bowl containing several skeins of yarn in various colors (orange, purple, blue). To the right of the bowl, there is a large piece of purple fabric with a yellow pair of scissors resting on it. A small red heart is visible in the bottom right corner of the image.

Tapi sohibnya Dorkas
ngedenger kalo Petrus
ada di sekitaran itu.
Mereka manggil Petrus
supaya dateng sigra ke
Yope. Pas dia dateng ke
ruang atas itu, semua
janda nunjukkin sama dia
semua baju ama pakean
nyeng dibikin Dorkas
buat mereka. Setiap
orang pada nangis.

Tapi Petrus nyuruh mereka semua keluar, lantas dia sedeku dan sembahyang. Lantas ia nengok ke jasad itu dan bilang, "Dorkas bangun." Dan Dorkas melek, dan pas dia ngeliat Petrus ia bangun lantas duduk.





Lantas Petrus megang tangannya dan ngebantuin dia diri; lantas ia manggil orang-orang suci (Kresten) ama janda-janda, lantas nunjukkin kepada mereka, kalo perempuan itu idup. Kejadian itu kesebar di seluruh Yope dan banyak orang jadi percaya sama Tuhan.



Petrus netep beberapa ari di Yope, di sebuah rumah di pinggir laut. Satu ari Petrus pegih ke ruang atas rumah itu buat sembahyang.


Kalo aja dia ngeliat kesekiteran kota itu



bisa jadi dia bakalan liat tiga orang nyeng lagi ngelancong dateng buat nemuin dia.



Orang-orang ini ialah pembantu seorang perwira tentara Roma nyeng namanya Kornelius, seorang nyang takut sama Tuhan.



Kornelius ngirim pembantu-pembantunya buat nemuin Petrus sebab malekat bilang sama dia dalem satu pengliatan, "suruh orang buat

ngejemput
Petrus.



Ia numpang
di rumah
seorang tukang
kulit nyeng
namanya Simon,
nyeng netep di pinggir
laut. Dia bakalan
bilang sama kamu
apa nyeng kudunya
kamu kerjain."



Selagi Petrus sembahyang di atas rumah, Tuhan ngirim satu pengliatan sama dia. Keliatannya kaya benda nyeng bentuknya kaen lebar nyeng ngegantung di empat pojokannya, nyeng diturunin ke tanah.



Di dalemnya ada banyak macem-macem binatang kaki empat, juga ama burung. Petrus bilang kalo semua itu 'haram'. Itu artinya kalo agama Yahudi kaga ngijinin makan binatang-binatang itu. Ngedadak kedengeran ada satu suara nyeng bilang, "Bangun, hei Petrus, potong dan makan aja!"




"Kaga, Tuhan, kaga!" saut Petrus sama Tuhan. "Karena aku belon pernah makan apapun nyeng haram dan kaga bersih." Kedengeran lagi nyeng kedua satu suara nyeng bilang. "Apa nyeng dibilang halal oleh Allah, kaga boleh kamu bilang haram." Ini terjadi sampe tiga kali dan abis itu naek ke atas benda itu ke langit.



Petrus kaga ngarti apa arti dari pengliatan itu. Selagi dia mikirin soal itu, Tuhan ngomong sama dia kalo ada tiga orang nyeng lagi nyariin dia dan dia kudu pegih sama-sama mereka.



Pas tiga orang itu bilang sama Petrus kalo malekat kudus bilang sama Kornelius supaya ngirim mereka nemuin Petrus, Petrus tau kalo Tuhan nyeng udah mimpin dia. Ari besoknya, dia ama enem orang sohibnya pegih ke rumah Kornelius.





Bisa jadi, selama dalem perjalanan ke rumah orang nyeng bukan Yahudi ini, Petrus mulain ngarti kalo Tuhan kesian sama semua orang, kalo Tuhan pengen semua bangsa tau kalo Yesus itu Juruselamet dunia. Saat Petrus nyampe, Kornelius sedeku buat nyembah Petrus.




"Bangun. Aku cuman manusia biasa," Petrus bilang sama Kornelius. Lantas dia bilang sama semua orang di dalem rumah itu. "Kamu tau begitu kerasnya larangan bagi seorang Yahudi buat begaul sama orang-orang bukan Yahudi atawa masuk ke dalem rumah mereka."



"Tapi Allah nunjukin kepadaku, kalo aku kaga boleh nyebut orang najis atawa kaga bersih."




Petrus bilang sama orang Yunani (bukan Yahudi) kalo Yesus itu Anak Allah nyeng mati di kayu salib dan bangkit lagi buat jadi Juruselamet dunia. Lantas Roh Kudus turun ke atas mereka semua dan mereka mulain muji-muji Tuhan. Enem orang Yahudi sohib Petrus sampe pada heran. Ini kaya Pentakosta. Roh Kudus juga ditumpahkan kepada orang-orang Yunani



Lantas Petrus ngasih permandian orang-orang
nyeng percaya baru itu dalem Yesus.



Di Yerusalem, orang Kresten marahin Petrus karena udah nengokin orang Yunani. Jadi Petrus bilang sama mereka soal pengliatannya dan Kornelius nyeng diterimanya dalem doa. Pas mereka ngedenger soal ini, orang Kresten di Yerusalem pada bungkem. Lantas mereka muji-muji Tuhan, nyeng punya semua, liwat sembahyang, nunjukkin sama gereja Kresten kalo Tuhan kesian ama semua orang.



Petrus ama Kekuatan Sembahyang

Sebuah cerita dari perkataannya Tuhan, Alkitab

Ditemuin di

Riwayat Para Rasul 9-12

“Palang pintu Firman Engkau ngasih terang.”
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya!

Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

